

## 续谱序

余年近古稀 荣体未停蹄 精神尚振奋 珍惜黄昏期 此次续修冯氏谱牒 余被族父老荐为 主办 并嘱余为之序 人虽不才 为继前公之志 族父老之志 续修谱燃乃美举也 即欣然从之

盖谱牒之学 余见之甚少 理解不深 意在尊祖敬宗收族自古皆然 视国有史 省县有志 族必有谱 族无谱则忘祖 忘祖则疏族 忘祖疏族非人也 由此言之 谱之必修也明矣

读吾族谱 悉冯氏之由来 自周文王之十五子毕公高 食邑于冯 孙子去邑 为冯氏 从周而后 其至如今 不知几百传 其人之繁衍 谁能数计乎 虽不暇深考 但冯氏历代名人 轶事传略 今尚存焉 如周有冯暖 汉有冯异 功绩辉煌 遇荣誉而谦让 能独立大树下 不夸己绩 遂封赠为威武将军 其人事之多 不胜枚举 余思之前有谱乎 重思之 因世远年湮 更遭逢乱世 履经兵燹 离居荡析 谱尚存焉 今欲 求千年以上之谱牒 难以得矣 故我族自明楚发公 由豫迁楚

定为我族之一世祖而后传之现无确据 谁敢远引 势必自乱其枝 自诬其本

我族谱已续修四水 咸丰九年德超公 光绪七年兆德公 民国六年高峰公 维藩公 民国三十七年振亚公 均为我族之哲人也使后人堪钦足敬

树有根 水有源 人必有其父母祖先 溯我始祖楚发公 于元末明初洪武八年 携其四子即荣花华富 贵四公 由江西省南昌府南昌县铁柱观箕筮窪迁来 湖南 择居岳阳县 后因宗枝繁衍 荣公迁星沙 后裔仍在岳阳散黎居家湾 富公早迁西蜀 贵公合而复离后裔散居荣家湾六合垸 而华公始迁高龙湾 后迁道人冲 传至六世系宗锦公 连生六子 其后裔即现在六房子孙 由于时和岁稔 我族人丁发达兴旺 察其现实 文墨大盛 初高中专毕业 大学文凭 科技人员 各房巨增 从事军 政人员亦胜德才兼备 素质较高 建设祖国 重任在身 从科局级干部到县市团师首长 为祖国效力 替民族增光 而振兴教育者更广 执教小学 初高中者 大有人在 任中学校长数人 更为普遍是从事工农交通运输 商贾生意者 各务其正业 与祖辈一样 在历史长河中 生息 繁衍着付出辛勤劳动 创造灿烂之物质文明 和精神文明 从而赶走了贫困 扎下了富根 步人小

康生活香甜

统其现丁 千七百余人 何其少也 前未普及乎 故遣族侄 少君 成松 去冯万什西塘 及外县平江 稽考始祖之苗裔 归来云 有祖籍不同 祖名相同 而年龄相差甚远者 有祖名不同 祖籍一处者 有同祖共祠 合而复离 派係各异者 今欲联为冯氏大族 我方无能为力也 出于双方自愿 切忌强为牵合 虽与祖有牵连 毫无诚意者 合之有碍 故此次之续 仍自楚发公之次子华公起 至宗锦公脉下六公止 幸赖族弟盛才 族侄少君 咸松精明能干 以及诸父老 积极支持 共襄其成 冯氏谱牒 昭然若揭 宜其子孙 绵绵瓜瓞 是为序

二十五世远孙盛祖字斌吾敬序

公元一九九三年癸酉仲夏月

## 续修概言

癸酉初春 我族华公脉下六房子孙派代表聚会于北港 共商续修冯氏族谱大事 与会者共鸣 我族谱于民国三十七年续修又垂至今四十五年矣 因历史变迁 新旧社会交替地覆天翻 其宗族观念颇为非议 所以 旧谱牒多沦于销毁和丢失 现子姓流传已趋三代未入谱 问其先世儿而不知 有几房则无谱 况祖有遗言族谱之续 不越三十年二十年不续谓之轻宗 今不续何止几代乎 观各姓续谱甚烈告厥成功者有之 在续修中有之 唯独我族至今未举 异姓视我族之无能也 既愧对祖先 又必为后代所指 欲达正本清源 千载上下连为一气后人观之一目了然 莫善于续谱 总之 我族谱之续是刻不容缓也 既如此 当场推举盛祖 盛才 少君 咸松四位为续修主办人 六房各选一经办者 被举者云 虽不敏而效前公之志族父老之愿 为我族承前启后 名人轶事考妣先贤 谱牒扬传以教后代 饮水思源精心续修谱牒传流之美举也

翌日主办人在大屋召开续谱筹备会 依据现行政策草拟续修规划 研究细则确定谱式 版本 字体行间 大纲小目 纸张质量 印谱数额 经费预算劳动报酬 具体分工等等项目 全面部署拉开了读谱序幕

为提高工效减少差错 主办人员深入各房具体辅导 典型问题共同磋商  
考妣轶事搜集遗篇访问故老 依靠旧普溯清根源 结合子孙上接下连 撰写初  
稿一月时间

三月初二代表经办集中大屋 会议一天 修改谱序族规家戒反映情况讨论  
问题 结论统一 预收经费 总的提法是 此次统谱同甘共苦钱要少花人无漏差  
复姓认可异姓勿拉 自愿改姓才能照登 异族同姓牵合要慎 总的要求是谱用  
殴式 五服递承 直则父子 横则兄弟 把握人丁逐户造清再次核实 确无讹错  
填人正本 签名盖章承担责任 全部验收两月完成

润三月下旬正式付印 主办人员分路进军 赴谱房签订合同 坐地监修加强  
效对实无差错 装订成本 一路赴各房收清欠款通知迎谱

四月中下旬各房代表聚会大屋了清帐目 迎回新谱 余之重任毕矣 庆谱  
问题由各房自行规定是为绪

二十五世远孙 盛祖字斌吾

盛才

二十六世耳孙 咸焯子少君

咸松

公元一九九三年二月初四

同订

## 序

盖闻物本夫天人本夫祖是犹漫弥之海断非无自忝天之木必有其根但支分派别无以维系而联属之何异于水之源远流而莫可稽木之茂盛而难以探也士君子将欲正本清源使千载上下联为一气其要莫善于谱顾家之有谱犹国之有乘奇偶阴阳其位次淘不可紊其名分诚不可越其事实断不容以假借其奖锡毫不敢以私予信今传后氏族之辨至严且切矣吾族自周文王之子毕公高食邑于冯孙子去邑为冯氏迨后历秦汉唐宋旧谱沦于兵燹而莫可稽考间有抄遗自华公始由豫迁楚亦莫知其元与明以至数十代谱系缺然而莫为之先也余于是不禁长伸太息焉戊午岁冬幸西圻宗人魅五邀余族修谱余族康王桥族侄德心超拔兆德等即会通各门举皆欣然至今岁春余与兆德等同赴西塘谱局合之无由随即归家迟之月余命男克霖赴康王桥商议兆德即偕克霖往道人冲中洲皆云华之子孙各自修谱幸康王桥又于六月初八日会通各门约至六月十八日进局局设康王桥

是以中洲有兮三 锦书康王桥 兆德羽仪併 兆德为坐主北港予与侄复先同进  
局内因而为之访故老搜遗编采而缉之庶几本支世系昭穆尊卑以及先人之生歿  
邱莹辽然若揭而华公以上究莫可稽但华公初迁即以初迁者奉为始祖原匕委委  
彙为一帖俾后之人一展卷而知若者为吾祖若者为吾宗著者为吾祖若宗之所自  
出将上焉者引而近之恍在目前远焉者比而同之婉如一室则萃其所涣油然有以  
发其孝悌之心者不在是乎而且世系以

是而明昭穆以是而别亲睦以是而成家世即以是而保将绳绳继继咸知治乃生而  
耕桑其业大乃绪而文献其家世世子孙不忘所自者此道明焉尔是为序

时

咸丰九年己未岁 耳孙仕班 氏薰沐敬撰

## 续谱序

盖以子姓之日繁也观其所自始皆有一本之亲观其所由分即有万殊之别使不籍谱以载之将世远年湮支分派裂有覩面而莫识为谁何者矣此众姓皆然而我冯氏之谱更有不容缓图者追维我祖楚发公于明洪武八年携荣华富贵四公由豫迁楚迄今数百年矣 诂四公以后人口浩蕃荡析离居家乘难以稽考 以至派行各别次序参差 各关仅有抄传存焉咸丰己未岁予慨家乘廖落有志纂修会同族叔得超暨诸门长搜罗残编访问故老疑似者阙之非种者锄之不数月而谱牒成焉至贵公一关稽查手册与予关流传无异乃有不明大义者从中阻挠故汉赵二家各树一帜予之郁郁不乐也久矣后光绪己卯岁赴老屋喻家冲祀祖幸贵族有敦本之人义方小溪者以合修之议告余匕曰此美举也 尊祖故敬宗敬宗故收族自古皆然况我华贵二公原一脉所流本本原有条不紊可不纂辑编成彙为一帖乎然事虽宜济而独力难持 光绪庚辰岁合修二公家乘赖贵族有解人者其人老成练达

至局赞襄其事两易寒暑始能告厥成功夫然后俾离者复合合者不复离纪纪绳绳永无紊乱矣 所有住居黎家湾系荣公后裔 棋布星联议论错出未获尽归画一富公后嗣迁徙西蜀 因道路崎岖舟车莫便 兹物以华贵二公之谱 强为告竣 云后之有志续修者果能合荣富二公辑为一册斯则吾之所大幸者尔

光绪七年辛巳阳月

华公后裔敬夫兆德敬撰

## 冯氏族谱序

古之亲亲而宗法立宗法立而谱系自明不必家有其谱也 自宗法之废非赖有谱则人将莫知其所自虽有仁孝之心亦茫然无所于寄盖谱之不可以已也久矣夫吾色各姓多聚族而居户口至数百类皆有宗祠有族谱即拙于力而祠未之建者

亦必有谱以纪其世次而其为谱妄引前代名贤冒称为祖自诬其本者犹鲜惟于姓同面族异者往往强为奉合夸耀其人众势强以患苦弱族亦未始非习俗之累焉里中冯氏与吾族衡字相望世为姻好不啻古所谓朱陈村者盖数百年矣予少时即闻长老称冯氏人多笃实朴者勤嗇治生秀者读书敦行不规规与人争进取而于健讼斗狠诸蠹习无一人染者迨后予以姻戚岁时往来与其人习良然益心重之光绪庚辰岁中表弟冯君敏吾茂才馆予家授两孙经适其族新修谱成属序于余匕举前代冯氏才贤问谱皆未之及问以近日里中诸冯则以姓同而族异弗曾强为牵合谱之所载惟敏吾始祖讳贵者与贵兄讳华者之子姓实列焉盖贵与华当前明洪武间自江右来巴陵其先世居江右者无可考故两家之后人第各以其始迁之祖为始祖而莫敢远引以自诬其本用此见冯氏之谱之慎绝无世俗牵合妄之弊而其人之笃实惟欲不悖于古人亲亲之意弗敢少涉虚夸其由是寢以炽昌创建宗祠以大展仁孝之心皆可于此决之矣是为序

原任女化县训导任哲拜播

## 族谱序

光緒庚辰余館烟戚家适族有老成练达者数人创修族谱诚今日之急务也盖入道自亲匕始亲匕故尊祖尊祖故敬宗敬宗故收族推而广之得不引而近耶虽然吾窃见今之为谱者大可怪焉有姓氏同而宗族异因地近人习廖相比附以示众强者遂至本非祖父行而祖父之本非子姓行而子姓之导卑良贱颠倒混淆而莫之恤而其欲矜族望者则又牵引古人谓为某世之祖某世之祖撰造世籍用为夸美加郭崇韬之妄祖汾阳不顾为狄武襄所窃笑者此皆无故而自乱其枝自诬其本者也乌在其可为谱哉我始祖楚发公自明初洪武八年携荣华富贵四公由江西南昌之铁柱观来巴陵始居之地俱无从考核至其户族之散处黎家湾则有荣公之后 华公之后 今居龙湾道人冲 而富公独莫知其所大约当明季兵燹之际播越转徙远避他乡今有传 其族居四川者亦未知其确焉否 贵公族错住新墙一带 之在谱者 华贵二公之苗裔也其于攀附假借诸弊信无之矣而特以自明迄今数百载宗支蕃

衍其间分支别派虽各存钞录未免阙而不完如是而欲求其本本源源若网在纲有条不紊是在董其事者精详周慎锄非种晰疑似以归于至当而已他如生者之里居歿者之兆域尤宜纪载详明确凿有据庶几可以信今而传后夫后之视今犹今之视昔我冯氏子姓幸值

国家承平烽烟靖息之会苟犹不能以收族者敬宗以敬宗者尊祖一论然忘本不堪自问将异日者保世滋大更有贤而能者起焉不几抱尊祖教宗收族之念而转以无所凭籍为恨耶吾故曰族谱之修诚今日之急务也

十九世孙灏谨岸

## 续谱序

余少读吾族谱知吾族始祖楚发公由豫迁楚卜择东陵迄今数百年矣宗支紫衍各立一处而北港有字仲二公康王桥有通苍二公道人冲有乾公中洲有宏公六公人数不仅千余人耳未尝不喟然叹曰谱之为言普也求普及也窃自黄帝授氏以来迄今四千余年虽不暇深考而周有冯暖汉有冯唐见于史传者可征也自周而后其至于今不知几百传其人之繁衍不知几万人何吾族所宗之祖如此其近也吾族所衍之丁如此其少也噫前之人或有未能普及者乎弱冠后橐笔西游历陕西甘肃新疆后任伊吾太守见有以族事讼者细阅其谱所载之远祖皆荒唐而莫考其人丁虽多皆强异宗为同宗又未尝不喟然曰远祖古人又不若近宗之信也强异宗为同宗又不若少数之亲也吾前人其有鉴于是乎夫味道之子始苏于眉山而眉山苏氏谱不及焉者亲近也且信而有征也乌乎荒烟蔓草古塚累匕吾遽视为吾祖而嫌其无据吾不视为吾祖其又将何据乎但遵苏氏之遗

意无服则亲近亲近则涂人今日之涂人其初兄弟也其初一人之身也 以一人之身分而至于涂人势也吾无如之何也幸其未至于涂人也使之无忽而忘焉此谱所由作也吾读苏氏谱引欲将此谱载之谱端使后之人世世守之由近以至远由亲以至疏 由少至多 固亦势所必至也 清咸丰九年己未岁有吾族祖德超公及余先父复先公已将族谱重付剖厥而谱牒成焉 清光绪七年辛巳岁有族叔兆德效前公之志而续修之迨至民国元年壬子岁余以年近古稀倦于宦游返乡时距兆德公续修之年三十余寒暑矣 今年时和岁稔族父老之志前公之志两再修之推余董其成因余年届八旬精神衰頹 龙钟潦倒 查对恐有错误 幸赖族侄孙宗清暨三子明吾极力赞成共襄义举以余志族父老之志者 志前公之志惟有二人慨然任之仍自楚发公起以迄六公止

钦加三品衔赏戴花翎清任新疆哈密监督府耳孙森楷敬撰

## 续修谱序

聚众土石而成山合众同宗而成族 族也者姓氏之合称也 姓氏合称自太史公始其本纪于秦始皇则曰姓嬴氏于汉高祖则曰姓刘氏盖姓者生也取相生之义族者属也取连属之义而不相离也故一族之成亘古 迄今数千年矣 其间人口死者非一辈 生者亦抑弗少 支分派别各据一区 不可任其散漫 而无统系也统系奚定 定于派也 派由何出 出自谱也 然则谱之作也岂仅为名分也哉即祖与宗所自出支脉 所由判以及生者之生庚 死者之年月日时 坟墓之丘墟 山向均详载 缕誌展卷被阅经目辽然谱之为用有如是之大且妙焉吾族自唐宋元明屡经兵燹离居荡析而旧谱因之沦亡间有存录遗漏居多 彼此既不知血统之亲 势必至视同族如秦越人也 清咸丰九年德超公懋焉伤之遂以合族修谱为已 任尊楚发公为始祖 而谱牒成焉 光绪七年兆德公则再修之 迄今已历三十寒暑矣 吾奉族叔祖高峰先生命与其三子明吾公勉为监修 凡草创之稿必祥加校 订求其事之适当 而后己亥豕鲁鱼侯后之能者踵事而修正之此固之吾所大愿也

民国六年丁巳

二十四孙正期宗清氏敬撰

## 续修谱序

民国丁巳余馆王先生少梅家是春族中续修谱牒未遑兼顾盖因有族祖高峰公综揽其纲房弟宗清襄理其事不然复何能弛其负担然余究不敢愒然置之馆之隔局仅里许且必数日一参观数日一括遇有疑难者则沿门祥质之见有讹舛者则挥毫削去之必改良订正以信将来是皆义务所应尽尤余心所乐就也至于位次不可素名分不可越事实不容假借奖锡不敢私予则鸳清公言之疑似者阙之非种者锄之则敬夫公言之亲亲 故尊祖尊祖故敬宗 敬宗故收族 则能灏公言之呜呼尽之矣余欲再赘而不敢赞一辞矣 独是族谱之续 越三十年 三十年不续谱是为不孝 何余冯氏之谱迟滞至三十七年乎 一则由南北未靖 一则由经济不给致使物故者不免模糊于蔓草后生者多有举子而弄孙阅卷之余尚皆阙然倘再缓图后来有不堪设想者矣 故此次之续纵不能告无罪于九原而其裨益于来兹者不浅所有宏公一关脱离已十年 余今因宇仲通苍乾五公合修家乘送乃涌跃协从彙为一帖散者复萃荣何如之将见一本之爱乃不致视若途人焉余因馆事暇勉缀数十言以弁其首至剞劂之功 无望于后之有志者

二十四世裔孙振亚维藩氏沐手敬序

## 续修谱序

余自幼蒙吾父兄课读约十予载矣而学业未曾深造是年十六内战四起故投笔从戎因余少读吾族谱知吾始祖楚发公由豫迁楚卜择东陵迄今约六百余年矣宗支繁衍各立一处而北港字仲二公康王桥有苍通二公道人冲有全公中洲有宏公六公计男女人数约千余人耳未尝不谓然叹曰谱之为言普也求普及也窃自黄帝授氏以来计达四千余年虽不暇深考而周有冯暖汉有冯唐视于史传者可征也自周而后迄至于今不知几百传其人之繁衍不知几万人何吾族所宗之祖何其近也吾族所衍之丁何其少也噫前之人或有未曾普及者乎惟予当时兵燹为国尽忠抗日而赣而鄂而豫而奏陇东西奔驰究无补余国家抚衷自问歉仄良殷彼余初任职为委任级且枪林弹雨大炮飞机轰击之声而经战不知算数余民国二十七年又考入中央陆军军官学校第十六期毕业后仍派服军务且经几许而中央部令任余为荐任级于民国三十四年因倭寇无条件投降陡然复兴吾国人民莫不欢乎旋奉国府命令整军精武节省军需将予之部骑兵第九师编遣其官员均限册报转人中

央训练团军官总队集训于民三十五年蒲月又经考试院考核各级军官如及格者分别转业有行政有教育有交通有警官有劳动有矿产有屯垦等各部门当核于为高级劳动再经三越月训练毕业后仍原级派为湖南省常宁县国民义务劳动服务团为督导但余游历东西转湘常计达二十余年于民三十六年农历十二月由常返里据谓吾族六关经倭寇八年之佔害将吾族康王桥之宗祠折毁尽存瓦砾所视者莫不疾首痛心又有大细两屋及中洲将原始祖之谱牒概行遗失其吾族之谱非重续修故能稽人丁又能强异宗为同宗然曰远祖古人又不若近宗之信也强异宗又不若少数之亲也吾前人有鉴于是平呜呼荒烟蔓草古冢累累吾遽视为吾祖而嫌其无据吾不视为吾祖其又将何据乎此次所修之谱端使后之子孙世世守之由近以至远由亲以至疏由少以至多固势必所至也然中华民国六年丁亥岁有族兄公高峰及伊三子明吾族侄孙宗清等襄成族谱而距族兄公高峰续修之年已逾三十年之一年矣是年春暖花开之际族父老之志前公之志而再修之故推余坐局其成因余身负中央社会部劳动局湖南省常宁县督导之贵予午夜扪心上为先祖下为

子孙世代绵绵故余效前公之志而续修之幸赖有族侄其胜及族侄孙全生二人极力协助共襄其成自楚发公起以迄六公止是为序中华民国国府任命为荐任级湖南常宁县督导耳孙诚忠

振亚敬序民国三十七年仲春

## 续修谱序

戊子春族中续修谱牒余以执教县中未遑兼顾心滋愧悼清明假归族父老嘱予为之序且曰某年续修汝曾序之矣今汝父歿其亦继汝父之志乎予闻而悲虽不敏然义弗能辞也夫谱牒之学兴于三代迄晋魏六朝而尤尚降至近世民族主义盛行宗族观念颇为世人非议然谱牒之学卒不因而替盖谱之为用在尊祖敬宗收族无谱则忘祖忘祖则疏族是禽兽也由是言之谱之必修也明矣考我冯氏族谱自清咸丰九年德超公历光绪七年兆德公及民六年高峰公尝三修之又垂及今三十年矣遭逢世变旧谱多沦于兵燹家庙尽毁为丘墟故老调谢子姓流转抚今追昔良深

慨然所幸寇气救平国土光复及今不续恐世远年湮后之来者欲详其先世而不可得岂不大可悲夫然则我族谱之续修更未可一日缓也往吾尝读家乖知我族之有姓氏始自周文王之子毕高公食邑于冯后虽代有名人然逮明洪武八年我始祖楚发公由予迁楚而始有谱心吐疑之顷阅姚惜抱先生代州道后冯氏世谱序有云汉书载公卿名人传不详其先世而所详者独司马迁杨雄冯奉世三传而已子长子云皆以其所自序故载之然则宜乡之族亦必有能目序者故史得因其文异于他传以此推之冯氏之有谱旧矣读此前疑永释而所以中断者余意大抵历五代宋元明屡遭兵火谱系寢以不详故今日欲求千年以上之谱难以得矣此我始祖之首于明时者欲以信今而传后也然余犹有不能已于言者夫谱者言普也族者连属也我始祖楚发公迁楚时携荣华富贵四公而载在谱乘者仅我华公一脉贵公合而复离荣公后裔散住黎家湾富公后裔早徙西蜀均不获入谱余思之余重思之盖缘族中甚少达人不能相忍相让致使一脉所流不克融为一体今兹之续果能本普及连属之义以收族敬宗尊祖为念彙各支于一册将见央匕大族世世勿替是则余之所厚望者也